

lantur. Ceterum nihil fuit cur Henricus metueret: ne falleretur: uel ipsi ne fallerent. Vidi ego chronicam peruetustam apud sancti Nicolai ab abbate Zenone confectam. Quę ubi apparitionem per eum quem diximus modum narrauit: Subiicit deinde corpus expositum in ecclesię medio integrum & incorruptum: apparatu celebrandi sacrificii ad depascendos populi oculos usq; ad octauum idus octobres: Quo die ecclesia dedicata. Multaq; scribit eo spacio miracula edidisse. Extat preterea huius historie pictura summo ordine depicta in eiusdem sancti ecclesia musiuo & antiquissimo opere: litteris pedalibus circūscripta. Mestum ibi uideas sacerdotium. Videas populum pstratum & orantem. Columnā sese aperientem: & corporis sancti Arcam quasi euometem. Vbi uero sanctus deponitur: inscriptū est his uerbis. Collocatio sancti Marci. Qd si iuris omnes consulti tantum antiquitati tribuunt: Vt pergamene antiquiori opponi non liceat: etiam si nec Notarius nec testis ullus supersit. Periclitabitur ne igitur totius ciuitatis huius existimatio fidesq; tot tantisq; ualidissimis antiquissimisq; monumentis in huius sancti honorem memorię mandatis: Presertim quū qui nostra non recipiunt: ipsi de suo: qd uel leuitatis uel tarditatis signū est: quicq; proferre non audent. Ceterum interrogabunt isti fortasse: an deinceps ab hinc annis. cccc. alius produci possit testis: huiusmodi depositiōis. Seriem igitur: ut temporum sequamur: habemus omni exceptione maiorem Iacobum uoraginemsem dignitate genuensem archiepiscopum. Religione ordinis predicatorum. Ea uero doctrina: & auctoritate: ut eius scripta sanctorum solennitatibus in ecclesiis omnibus celebrentur. Is posteaq; euangelistę uitam breuiter descripsit: Adiecit nonnulla de eo sancto miracula. Inter cetera autem Iulianum quendam narrat genere fauentinū: In papiensi predicatorum conuentu: Dum morbo laborat: extremumq; agit spiritum: uidisse euangelistam sese iuxta ipsius egroti lectulum ponere: Vocemq; audisse interrogantis. Marce quid hic agis? Marcum respondisse. Veni adhuc egrotum relaturus illi gratias pro ea reuerentia ac deuotione: Qua locum ubi quiesco sedulo uisitauit. Impletus continuo locus uiris cāndida ueste fulgentibus. Excitatus eo uisu egrotus & spiritu hilaris: uocari iubet conuentus priorem: atq; illi rem omnem narrat. Statimq; inter hymnos & laudes sanctam animam efflauit. Id accidisse narrat anno Domini. M. cc. xli. Accepisse autem hec ab ipso Conuentus priore. Videant qui hactenus dubitauere: Quanta notatu digna paucis in his uerbis ab hoc archiepiscopo recitentur: Scribit prius Venetias translatum: Subdit hūc Iulianum locū: ubi sanctus requiesceret: assidue uisitasse. Dicit accidisse ānis centū septuaginta: Post eam quam scribimus apparitionem. Qui autem rem scribit: